

PRIMERA CARTA DEL APÓSTOL SAN PEDRO

Pedro escribe a los creyentes esparcidos

1-2 Yua Pedro múaare yu queti joo. Jesucristo cù cabuericù, cù ye quetire cù cabuio rotiricù yu ã. Ati púuro mañúja queti joo aperoripù cásaá baterâre. Ponto na caíri yepa, Galacia na caíri yepa, Capadossia na caíri yepa, to cänacä paù cäni bate teñarâre mañúja queti joo mari Pacù Dio cù yarã cäna cù cabejerigarâre.

Nemoopuna múaja quenare cacúñupi Dio, Jesucristore caapipajeerâ múaja cänipere. Cäre múaja caapipajero múaja quenare cawajoayupi. To bairi Dio Espíritu Santo caroarâ múaja anio joroque áami, Jesucristo cù carií yajibojarique jugori. Caroaro mañúja ñuu roti. Caroaro ani wariñuuriquere cù joato Dio múaare.

Una vida de esperanza

3 “Caroaro järe mu cátibojayupa,” jã ñinucu mari Upaù Jesucristo Pacù Diore. Mari bopaca tujuri cù punaa cänare mari cacúñupi. Jesucristo cù cabai yajiro bero cù catunu catiogyupi Dio Jesure. To bairi mari quenare mari tunu catiogümi Dio.

4 Dio caroa wariñuuriquere jõ buipù cacúbojayupi múaja quenare. Ati yepa macaje caboorije, capetirije unie meere marire cacúbojayupi Dio mari cäni wariñuupere. **5** Diore cù mari caapipajee nucabugoro maca mari cotemi cù cátí maji tutuarije mena. Cabero cù catunu atí paù cänopù

cu cacotericarã marire joogumi caroa majuure.
6 Ti wamere tugooñarã caroaro cayeri wariuñurã
 muja ã muja quena, yucure capopiye tamuorã ni-
 baopunana. **7** Yucure ati yepapure muja capopiye
 tamuorije ã, ¿caroaro Diore cutí nucubugorã na ãti?
 ñiro. Caajiyarijere pero mena roañama camaja,
 ñoro na cañije majuuna to ãti? ï majigarã. Caroa
 caajiyarije jeto catuaro tujurã, “Cawapa pacarije
 jeto ã,” ï majima yua. To bairi camaja caaji-
 yarijere na cabooro netoro boomi Dio cure caapi-
 pajee nucubugorã macare. To bairi Jesucristo
 cu catunu atí pau cunopu muja tuju wariuñuugumi
 cure caapipajee nucubugoricarã. Ti paupu aperã
 quena cure caapipajeericarã, “Caroaro cujupa na
 quena, Cristore caapipajequẽna maca rooro nare
 na cutibao joroquena,” muja ñigarãma. **8** Jesucristore
 catuñuñaquetana nibaopunana cure muja mai muja
 quena. Yucu quenare cu tujuquetibaopunana
 seeto majuu wariuñurique mena cure muja apip-
 pajee. **9** To bairi Jesucristore caroaro caapipa-
 jeerã muja cunou muja yeri cu tupu cunicoña anin-
 ucupere muja cajooyupi Dio, caroorã ya paupu
 cuáaboricarã.

10 Tiruñmupu Dio ye queti buiobojari maja ãnana
 cure caapipajeerã marire cu canetoobojapere caï
 buio ucayupa. To bairo Dio marire cu cabopaca
 tujupere caï buio ucaricarã nibaopunana caroaro
 caapi maji petiquẽjupa. **11** To bairi Dio Espíritu
 Santo na yeripu ejari na camajioñupi. Dio cu
 cabejeri cu Cristo cu capopiye tamuopere, cabero
 camaja cu na cutí nucubugopere na camajioñupi
 Espíritu Santo. To bairi naa Dio ye quetire
 buiobojari maja ãnana caroaro bueri, “¿Nii cu

ãchati Dio cu cabejepau majuu? ¿Noo cõopu to bairoati atie Dio marire cu cabuorije?” caï tugooñañuparã. 12 To bairi, “Muja cabai yajiro beropu baigaro,” na caï majioñupi Dio Espíritu Santo na ãnanare. To bairi maria na bero macana mari cãni yutea cãnopu cabaiwu na ãnana na caï buio ucarica wame yua. To bairi na cabuorique re ati yteapu cabairiquere Jesu ye quetire mujaare caï buioyupa aperã yua. Espíritu Santona umurecoopu cáatácu nare cu cabuio ocabutirije mena cabuioyupa. To bairi cariape tie quetire muja caapiyupa. Ti wamere Dio camajare cu cabopaca tujurijere tugooñañanucurãma Dio tu macana ángel maja na quena.

Dio nos llama a una vida santa

13 To bairi muja cátipere caroaro majuu tugooña majiña. Maja catí tugooñaña. Jesucristo cu catunu ejari pau cãnopu cu mena muja cãnicõa ani wariñuunucupere tugooñaña. Mujaare Dio cu cabopaca tujuro maca caroaro muja anicõa wariñuugarã. 14 Cawimarã na pacuare caroaro caapipajeerre bairona mari Pacu Diore caroaro caapipajeerãña. Caroorije muja cátibopere tugooñaqueticõaña. Diore muja camajiparo jugoye muja catugooñañanucuriquere bairo tugooñaqueticõaña. 15 Caroa macare ája, Dio marire cabejericou caroau cu cãnore ñrã, caroorije cátinaquecu ãmi ñrã. 16 Dio Wadariquepu ocõo bairo ñucarique ã: “Caroare ája, yua caroare cacu yu cãno maca.” 17 Diore, “Jã Pacu,” care mari ï, cu jenirã. Cua ape rumapu camaja nipetiro na cátajere jeniña bejegumi. Jicarore bairona na jeniña bejegumi.

Cūre caapipajeequetanare na popiyeyegumi. To bairi yucure mari Pacure nucubugori caroare ája ati yepa ãnapu. ¹⁸ Maja ñicu jāa na cānaje cātiere bairo maja cāninucubajupa. To bairo rooro maja cānajere maja canetoobojayupi Dio. Caroaro maja majirā pairo marire cū cawapayebojariquere. Apeye unie capetirije, niyeru caajiyarije unie mena marire cawapayebojaquējupi Dio. ¹⁹ Pairo cawapacati netorije mena maca cawapayebojayupi marire. Cristo marire cū carií yajibojarique mena maca cawapayebojayupi. Diore áti nucubugorā waibucurā, caroarā jeto judío maya na cajīa joe buje m̄gonucuriue cāñupa. To bairo waibucu na cajīarore bairona Jesucristo caroorije mácure aperā cūre na cajīaro na camataquējupi Dio, caroorije camaja na cátie wapa nare cū wapayebojaato ñi. ²⁰ Nemoopure ati yepare átigu jügoyepuna Cristo marire cū cabai yajibojapere camaji jügoyeyeyupi Dio. To bairi ato cōopure caejayupi Cristo, marire bai yajibojau acu. ²¹ Marire cū cabai yajibojaro bero cū catunu catioyupi Dio. Cū tunu catio, cū cane aájupi cū tupa, camaja cū na canucubugoparore bairo ñi. To bairi Cristo marire cū cabai yajibojaro maca Diore maja apipajee nucubugo maja quena. Cū nucubugori maja quena Dio mena maja cānicōa aninucupere maja tagooña waríñuu. ²² Tie cajocaquētie quetire maja caapi nucubugoyupa. Maja caapipajee nucubugoro maja yeripu caroorijere maja camajiritiobojayupi Dio. To bairi aperā cūre caapipajeerā quenare nare camairā maja ã. To bairi seeto maja yeripu ame maiña. ²³ Mari pacua

punaa buiarāp^h cabai yajiparā mari ã. Yucura Dio cānicōa ãcu cu ye quetire capetiquētie jugori cu punaa maca mari ã. To bairona cu punaa, cu mena cānicōa aninucuparāre marire cacūñupi Dio cu ye quetire mari caapipajeero. Ocõo bairo ñ ucarique ã:

²⁴ Ta yoaro mee jinicōa. Caoó quena yoaro mee jini caroa nibaop^htona. Tie yoaro mee to ca-jinirijere bairona mari camaja quena mari bai yajigarā.

²⁵ Dio Wadarique maca yajiquetigaro. To cānacā rūm^h cānie anicōa aninucugaro.

Ti wamerena Dio Wadarique caroa quetire cabuioyupa aperā m^hja quenare.

2

¹ To bairi caroorije to cānacā wame áti janacōaña. Aperā, “Caroarā ãma naa,” marire na ñ tūjhato ñrā jīcaarā m^hja baito teña. M^hja yerip^hre cañuuqueto to bairo m^hja baito teña. To bairo m^hja cabaitorijere, ñtorique quenare janacōaña. Aperāre m^hja catu^hu^hgoorijere janacōaña. Aperāre caroorije na wada pai ujaqueticōaña. ²⁻³ Mari Upa^h Jesu caroaro marire cu cátibojarijere m^hja maji, cu ye quetire caapiricarā aniri. To bairi cu ye quetire apiganemori, seeto apiya. Cadaquei ûpunemog^h cu caotirore bairona, “Dio Wadariquere y^h apinemogac^hph,” ñ t^hgooñari apiya. Tiere apirā mari yeri ocab^hti Dio cu caboori wame mari cátí ocab^htiparore bairo ñrā.

Cristo, la piedra viva

⁴⁻⁸ Ocõo bairo ñ ucarique ã Jesure Dio cu caírique:

Jerusalēpā cū yu cū yu cabejericāre, yu Macāre.

Noa cāre caapipajeerā, “Jocāna cū yu caapipajeebjupa,” ī tugooñarique paquetigarāma. Cañuu majuu āmi. To bairi camaja ñta wii quenoogarā caroa ñtaa jīca na cacū jāgopa na cabejerore bairona cāre yu bejewu yure caapipajeerāre cajugo anipaure, ī ucarique ā.

Ti wame caroa ñtaa na cabeje cūricarore bairona ā Dio cū Macā Jesure cū cabeje cūrique. “Jesu cañuu netou āmi,” cū ī tujumi Dio. Muja quena, “Cañuu netou āmi Jesu,” cāre muja ī tuju muja quena. To bairi cāre muja api nucubugo. Aperā maca cū booquēema. Cabero moquena camaja ñta wiire nacori na cabeje cū jāgorica bero macaje ape rupaa ñta rupaare bejerāma moquena, ti wiire yaparogarā. Mari maca ti rupaare bairo mari bai. Marire cabeje cūñupi Dio jīca poa cū yarā caroarā cāniparāre. To bairo cū cacūricarā aniri Jesucristo jāgori, cū cáti nemoro mena Dio cū catuji warinuurijere mari áticōa aninucugarā.

Ape wame ocōo bairo ī ucarique ā buio majorique moquena:

Ñta wiire cawerā, “Atia ñuuquēe,” ñrā carocacōañuparā. Tia na carocaricarena caneñuparā aperā maca, “Ñuu majuucōa,” ñri. To bairi wii pucua cāniparore ape rupaa jāgoye cawe peóyuparā, “Tia mari cacōoñarica anigaro,” ñrā.

Jesure ñgaro ī ti wame. Ape paū ocōo bairo ī ucarique ā:

Ma recomacaph ûtaa caruirore bairona yh cûgh yh Macure. Ùtaaphre caphga ta roca cumurâre bairo cûre baigarâma.

To bairona baima cûre caapi nucubugoquêna maca. Ch ye quetire bai botiobana Cristore nucubugo majiquêema. Tirumhph, “To bairona baigarâma,” Dio ch cañicarore bairona baima. To bairo nucubugoquetibana yajigarâma yua.

Los que pertenecen a Dios

⁹ Muja quenare cabejeyupi Dio, caroarâ yh yarâ, yh yere cána anigarâma ñi. Cañuuriye ch ye quetire cabuiobojaparâre muja cabeje cûñupi Dio. Tirumhphre caroorijere cátí aninucurâ muja cânibao joroquena cabejeyupi Dio muja quenare. Yucura yua ch cânore bairo muja ani maji, ch apipajeeri. ¹⁰ Tirumhph Jesucristore apipajeegarâ jugoye Dio yarâ muja câniquêjupa mai. Mujaare ch cabopaca tujuriye to nibao joroquena cûre muja camajiquêjupa. Yucura ch yarâ muja ã, Jesucristore caapi nucubugorâ aniri.

Vivan para servir a Dios

¹¹ Yh yarâ, yh camairâ, apeye caroaro mañuja ñ buiopa: Ati yepaph yoaro muja anquietigarâ, umurecooph Dio tûph câniparâ aniri. To bairi ati yepa macana Diore cátí nucubugoquêna caroorijere na cátinucurijere átiqueticôaña. Tiere muja cápata Diore muja booquetiborâ. To bairi tie caroorijere teeya. ¹² To bairi ati yepaph ãnaa, camaja Diore ch camajiquêna watoaph nibaophnana caroaro ája. To bairo caroa muja cátó aperâ, “Rooro áama,” mujaare caírâ nibaophnana ape rámuph cañuuriye muja cátí aniere tujurâ na quena

Diore apipajeegarāma jīcaarā. To bairi na quena Diore cátí nucubugorā anigarāma Cristo cū catunu atí paú cānopħre. ¹³ Mari ɻpaħ Jesu yarā aniri maca ɻparā quenare na nucubugoya. Gobierno ɻpaħ majuu quenare cū nucubugoya. ¹⁴ Cūre carotibojarā quenare na nucubugoya, caroorije cánare capopiyeyeorā na cāno maca. Caroare cáná macare, “Caroaro mħaja áa,” na īma. To bairi, “Caroare mħaja áa,” marire na caĩ tħejħparore bairo īrā na nucubugoya. ¹⁵ Diore camajiquēna maca caroare mħaja cátó tħejħrā rooro mħajaare na caħrije janagarāma yua. To bairi caroare mħaja cátipere boomi Dio. ¹⁶ Dio cū carotiri-quere mari cátiquetibato quena mari camajiri-oyupi Dio. To bairi, “Caroorije marire cū camajiri-obojaro īrā caroorijere mari átinucu anicōagarā,” ī tagħooñaqueticħa. Ocðo bairo maca ī tagħooñaħha: “Yure mairi caroorije yu cátajere camajirioyupi Dio. To bairi yu quena cū mai, cū caboorije macare yu átigħu,” ī tagħooñaħha. ¹⁷ Camaja nipetirā na nucubugoya. Diore caapipajeerā aniri ame maiħa. Diore seeto nucubugoya. Gobierno ɻpaħ nipetiro carotii majuu quenare cū nucubugoya.

El ejemplo del sufrimiento de Cristo

¹⁸ Paabojari maja, mħaja ɻparā na carotiri-jere áti nucubugoya. Cañuurā, uwaricaro mano caroaro carotirāre na áti nucubugoya. Aperā quenare rooro mħajaare cáná na nibao joroquena na quenare na áti nucubugoya. ¹⁹ Caroaro mħaja cátie to nibao joroquena mħaja ɻparā mħajaare na capopiyeyero na boca punijiniquēja. “To bairo boħmi Dio yu caboca punijiniquētiere,” mħaja

caĩ t^ug^ooñ^a oca^btiro m^uja t^uj^u wariñuug^umi Dio. ²⁰ M^uja majuuna rooro m^uja cátie wapa m^ujaare na capopiyeyeata m^uja majuuna m^uja cabai buic^utie ã tiea. To bairo cabairo boca ĩ punijinirique manona m^uja cāmata m^ujaare Dio c^u cat^uj^u wariñuuri wame me ã tiea. Caroa macaje macare m^uja cátibao joroquena m^ujaare na capopiyeyero boca punijiniquēnana m^uja cāno m^uja t^uj^u wariñuug^umi Dio. ²¹ Cristo c^u quena marire popiye tam^uoboja^u c^u majuuna caroorije c^u cátie wapa mee cabaiw^ī. To bairi mari quenare c^u yarā mari cāno marire popiye tam^uorique anigaro, caroorije mari cátiquetibao joroquena. ²² C^ua Cristo caroorije cátíñaquēc^u cāmi. Ca^bto^u mee cāmi. ²³ Cañu^u c^u nibao joroquena rooro c^u cañwā. Roro c^u na caíba^u joroquena na caboca ĩ punijiniquēmi Jesu. Roro c^ure na cátio, “Dio m^uja popiyeyeg^umi rooro y^ure m^uja cátie wapa,” na caboca ĩ tutiquēmi. Ocōo bairo maca caĩ t^ug^ooñ^añupi Jesu: “Dio maca cariape cawapayei ãmi. To bairi roro y^ure na cátierie t^uj^u majimi,” caĩ t^ug^ooñ^añupi Jesu. ²⁴ To bairi caroorijere mari cátie wapa yuc^u t^ēorica pāip^u marire cabai yajibojaw^ī Jesu. Cabai yajibojaw^ī, caroorijere mari cátí aniquetiparore bairo ñi. Caroa macare na áti anicōato ñi mari cabai yajibojaw^ī. ²⁵ Oveja nuricarā na cabairijere t^ug^ooñ^aña. Na u^upa^u c^u camamata noo na caboori pa^u owa yajicōaborāma, t^ug^ooñ^a majiquetiri. M^uja quena nare bairona mari U^upa^u Diore t^ug^ooñ^aquēnana m^uja cabooro cána m^uja cānibajupa. Yuc^ura Jesucristore c^u apipajeeri c^u mena macana m^uja ã m^uja quena. C^u mena macana m^uja cāno caroaro m^uja cotemi Jesu. Oveja na u^upa^u, owa yajirema ñi

nare cu cacoterore bairona muja cotemi Jesu muja quenare.

3

Cómo deben vivir los casados

¹ Mujaa cāromia muja manapuare na áti nucubugoya. Jícaarã muja manapua Dio ye quetire caapipajeequẽna ãma. Na una caroaro nare muja cátí nucubugorijere tujari wariñuugarãma. To bairi, “Yu numore bairona Dio ye quetire caapipajeei yu anigu yu quena,” ñigarãma. “Mu quena Dio ye quetire apipajeeya,” nare muja cañquetibao joroquena to bairona na catugooñarijere wajoagarãma. ² Aperã cañmuare muja catuju epequëtiere, caroaro muja cāniere, muja cāni nucubugorijere tujari na quena Cristore apipajeegarãma. ³ “Caroa juti jañarico, poa wuga peocõarico, caroa caajiyarije mena wamaga netocõarico yu anigo,” ñtagooñarique paimuñeru muja rupaurire. ⁴ Caroarã cāromia anigarã muja yeri macaje cānipe macare tagooñaña. Caroa cayeri yuju ñuurã ãña. To bairo cabairã muja cāmata caroa muja cānie petiquetigaró. Muja yeripu to bairo cabai nucubugorã muja cāniere seeto tuju wariñuugumi Dio mujaare cāromiare. ⁵ Tirumumacana cāromia caroarã Diore caapipajeerã to bairona caroaro cayeri yuju ñuurã cāñuparã. Na manapuare cátí nucubugonucuñuparã. ⁶ To bairona Sara cawamecuco Abraham numo ãnaco co manapure cu cátí nucubugoyupo. “Yu urau,” cu cañ tuju nucubugonucuñupo. Muja quena muja yeripu Sara co cabainucuriquere bairo muja

anigarā mūja quena mūja manapuare mūja cátí nucubugoata.

⁷ Mūja quena na manapua nucubugorique mena ãña mūja nūmoa romiri mena. Na caboorijere tūgooña majinucuña. Na maca cāromia aniri mūja rūgarona tutuama. Na quena Diore caapipajeerā aniri cū tūpu cānicōa aniparā ãma. To bairi na mena caroaro mūja cāni nucubugoquēpata mūja apiquetigumi Dio cūre mūja cajeniro.

Los que sufren por hacer el bien

⁸ Ape wame mūñuja ī buio tūjapa. Caroaro ame jūgo ãña, ame wada canamuquēnana. Jīcau punaare bairo ame maiña. Jīcau mūja yaú cū catam̄oata cū átinemoña. Mūja majuuna bai nucubugo uwioqueticōaña. ⁹ Aperā rooro mūjaare na cāpata rooro na tuti amequeticōaña. “Mūñuquēe,” mūja na caī tutiata na caīrore bairo na ī amequeticōaña. Caroa oca macare na boca ñīna. To bairona na mūja caboca īro boomi Dio. Wariñuurique mūja joogumi caroa wame macare na mūja caboca īata. To bairi caroare Diore na jenibojaya, mari quenare caroare marire joogumi Dio īrā. ¹⁰ Ocōo bairo caī ucayupa Dio ye quetire buiori maja ãnana:

Jīcau caroaro cāni wariñu anigü caroorije cū īqueticōato.

¹¹ Caroorije cū áti janacōato. Caroa macare cáticōa aninucu cū ãmaro. Aperā mena nucubugo yericataje, caroa ãnajere seeto majuu cabou cū anicōato.

¹² Mari Upaú Dio caroaro na tūju pojeroomi cū yarā jetore. Cūre na cajeniro na apimi.

Rooro cána macare na átinemoquetigumi Dio,
í ucarique á.

¹³ Caroa jetore m̄ja cáticōa ámata dope bairo m̄ja rooye tuu majiquetigarāma m̄jaare capopiyeyegarā. ¹⁴ To bairi caroare m̄ja cátie wapa rooro m̄jaare na cátibao joroquena wariñurique macare m̄ja joogumi Dio. To bairi na uwíquēja. Tugooñarique paíquēja. ¹⁵ Roorije m̄jaare na cátie to nibao joroquena, “Cristo yu Ʉpa, yu yerip̄re ámi,” í tugooñari yeri ocabutiya. Jīcaarā, “¿Nope írā Cristore c̄a m̄ja apipajeeti?” m̄ja jeniñagarāma. To bairo m̄jaare na cajeniñapere nare m̄ja caí yupa wamere tugooña majiña. To bairi cariapena na m̄ja yá majigarā. Caroa yujiu ñuuro wadarique mena, nucubugorique mena nare m̄ja boca í majigarā. ¹⁶ Cristo yarā aniri caroaro áticōa aninucuña. To bairo m̄ja cabairijere catujurā maca, “Jocarāna m̄ja í,” na ïgarāma m̄jaare cawada pairāre. To bairo na caíro tugooña bobogarāma to bairo m̄jaare na cañorijere yua. ¹⁷ Cauwarā m̄jaare popiyeyegarāma nare Dio c̄a camataquépata. To bairona rooro m̄ja átigarāma caroa m̄ja cátie to nibao joroquena. To bairo cabairi pa, “Ñuugaro, popiye mari cabaiipere boumi Dio,” m̄ja í tugooña ocabutigarā. To bairo m̄ja cançaro m̄ja tujwariñuugumi Dio. Caroorije macare m̄ja cátie wapa m̄jaare na capopiyeyero Dio m̄jaare c̄a catujwariñuupa wame me á tiea. M̄ja majuuna m̄ja cátie bui á tiea. ¹⁸ Cristo quena catamhōwī caroorije mari cátie wapa, marire bai yajiboja. Cañuu aniri mari cawapaye peocōabojayupi

Jesucristo caroorã mari anibao joroquena. To bairi bai yaji bapooquetigumi, cawapaye peocõaricu aniri. Marire cawapayebojayupi, Dio mena caroaro mari cãni majiparore bairo ñi. Cu rupaupure cu na cajlarique to nibao joroquena cu yeri cacatiyupi. ¹⁹ Yeri aácpa cabai yajiricara na ya paupu caejayupu. Eja, cu ye quetire na cabuioyupu. ²⁰ Tirumupu macacu Noé ãnacu cu cãnopu Diore cabai botioyuparã to macana. Noé ãnacu cumua capairica cãjupu. Cu cátitoye yoaro cayuubajupu Dio, camaja yure na apipajeato ñi. To bairo Dio cu cayuubao joroquena petona ocho, itia peniro cãnacâna jeto, Noé cu yarã mena jeto Diore caapipajeeyuparã. Apipajeeri cacatiyuparã cumua pupeapu ati yepare Dio cu caruuro. ²¹ To bairona ã Noé cu cabairi wame, mari cabautisa rotirije. Rupa cojerique me ã bautisa rotirique. Mari bautisa roti, “Caroorã ya paupu cãaáboricure yu netoobojayupi Jesucristo,” ñrã. “Yu rupa macaje ugueri coje rericarore bairo yu yeri macaje caroorijere yu coje rebojaya.” Ti wame quena Diore ñrã mari bautisa roti. Jesucristo marire bai yajibojari bero catunu catiyupi. Cu catunu catirique jügori mari quena to cãnacã rumu cacaticõa aniparã mari ã. ²² Jesucristo tunu catiri bero umarecoopu catunu wamcoajupi. Topu ãcu Dio tûna cu mena carotii ãmi yua. Nipetirore carotii ãmi. Dio tu macana ángel maja, aperã carotirã na ñoro macana quenare carotii ãmi Jesucristo.

Sirviendo según la capacidad que Dios nos ha dado

¹⁻² To bairi muja catamuoata Jesucristo cu cānajere tugooñaña. “Cu na capopiyeyeoriue to nibao joroquena caroorije cátiquējupi,” ñ tugooñaña. “Cu Pacu mena netoro catugooña ocabutiyupi,” ñ tugooñaña. To bairo ñ tugooñarā to bairona muja quena Dio mena netobujaro muja tugooña ocabutigarā. Noa tamuobaopunana to bairo catugooñarā Dio cu caboorijere ána áama. Caroorije átigaquēema. Ati yepa ãnaa caroorije camaja na cátí aninucurijere átigaquēema.

³ Diore apipajeegarā jugoye caroorije muja cátí majuucoñañupa. Diore camajiquéna na cáticõa aninucuri wamere bairona muja cátí aninucubajupa, carorijere na cátí wariñuugari wamere bairona. Roro cátí eperā muja cānibajupa. Noo eti cumuri, boje rumuri áti eti cumu mecarā, Dio cu cabooquétire wericarāre baje jeni nucubugorā muja cátí anibajupa, Diore apipajeegarā jugoye. ⁴ To bairi, “¿Nope ñrā na cátí jugorica wamere na átigaquēti yucura?” muja ñma aperā maca muja cabai aniere tujurā. To bairi roro majuu muja ñma. ⁵ Dio maca na tuju bejeri na popiyeyegumi. Camaja nipetiro na tuju bejegumi. Yucu cacatirā, cariaricarā quenare na tuju bejegumi. Na tuju bejeri to bairona roro mujaare caírāre na popiyeyegumi Dio. ⁶ Mari jugoye macana mere cabai yajiricarā Dio ye quetire caapiyuparā. Tie quetire apirā jícaarā caapipajeeyuparā. Caapipajeericarā na cāno na yeri cayajiquējupe. Yucura Dio mena áma naa. ⁷ Yoaro mee ati umurecoo petigaro. To bairi

caroaro t^ugooña majiñā. Maja catiya, Diore cajeni n^uc^ub^ugocōana anigarā.⁸ Ame maicōa aninucuñā. Ape wame netoro cāni majuuri wame ā ame mairique. Caroaro m^uja caame maiata aperā caroorijere m^ujaare na cátierē m^uja majiriogarā.⁹ Caroaro ame boca t^uj^u n^uc^ub^ugoya. Wariñuuri cááteñarā quenare na boca t^uj^u n^uc^ub^ugoya, ame ī wada ujaquēnana.

¹⁰ Mari Pac^u Dio to cānacāhpurena ricati majiri-quere mari joomi di wame mari cátipa wamerire. C^u ya poa macana mari caame átinemoparore bairo mari joomi. To bairi caroaro ame átinemogarā m^uja nipetiro Dio c^u cátí majiori wame cōona caroaro áti aninucuñā. ¹¹ To bairi jīca^u Dio ye quetire cabuio^u ūc^u, “Dio maca y^u majiomí y^u caī buiopere,” c^u ī t^ugooñaato. Apei maca aperāre cátibojau ūc^u, “Dio ati wamere aperāre na y^u átibojao joroque áami,” ūri c^u átibojato. To bairo bairā, ricatiri macajere m^uja caame átibojari wame cōo Dio m^ujaare c^u cátí majiorije j^ugori m^uja ame átinemogarā. To bairo ána netob^ujaro Diore m^uja n^uc^ub^ugogarā. Camaja nipetiro cūre na n^uc^ub^ugoato, to cānacā r^um^u carotii c^u cāno maca. Amén.

Sufriendo como cristianos

¹² Y^u yarā, y^u camairā, m^uja catam^uoata, “¿Nope ūro y^ure to bairo to baiti? Cristore caapipajeei y^u cānibao joroquena,” ī t^ugooña acuaquēja. To bairona m^uja catam^uopere rotimi Dio, ¿jocarā mee y^ure caapipajeerāna na áti? m^uja ī t^uj^u majig^u. ¹³ Ocōo bairo maca ī t^ugooña wariñuña: “Cristo catam^uoñupi. To bairi y^u quena y^u t^ugooñarique

paiquetigʉ tamʉobaopʉcʉna.” To bairo cañicarã Cristo cʉ catunu atí paʉpʉre, camaja nipetirã cãre cátí nʉcʉbʉgori paʉpʉ seeto mʉja wariñuugarã yua. ¹⁴ To bairi Cristore caapipajeerã mʉja cãno maca aperã mʉja tutigarãma. To bairo mʉjaare na caĩ tutirije to nibao joroquena mʉja wariñuugarã, Dio Espíritu Santore cacʉgorã aniri. To bairo mʉja cãni wariñuuro tʉjurã na quena Diore nʉcʉbʉgogarãma. ¹⁵ To bairi camajare cajɬaʉ, aperã yere cajee rutii, caroorije cáchʉ, camajare capatawãcoʉ, to bairo cabaii ūcʉ maca cʉ majuuna cʉ cabai buicʉtie wapa tamʉogʉmi. To bairi cʉ cabairore bairo baiqueticõaña mʉjaa, aperã, “Na majuuna na cabai buicʉtie wapa baima,” mʉjaare na cañquetiparore bairo Írã. ¹⁶ Nii mʉja yau ūcʉ Cristore caapipajei cʉ cãnie wapa aperã cãre na capopiyeyeata, cʉ tʉgooñarique paiqueticōato. Ocõo bairo maca Diore cʉ Íato: “Caroaro yure mʉ átibojayupa. Cristore caapipajei yure mʉ cacũñupa,” Diore cʉ Íato. ¹⁷⁻¹⁹ To bairi Dio mʉjaare cʉ capopiyē cʉti rotiro caroare áti janaquẽja. “Cariape yʉ yerire coteri wariñuuirique yʉ joogʉmi Dio,” Í tʉgooñaña, nipetiro carupeoʉ cʉ cãno maca. Yucʉacãna cãre caapipajeerãre mari cátajere tʉjhʉ cõoñagʉmi Dio. To bairi marire, cʉ caapipajeerãre tʉjhʉ cõoñah ɬdope bairo cʉ áchati cʉ ye quetire caapipajeequẽnare? Na regʉmi caroorã na ya paʉpʉ. Dio cãre caapipajeerãre pairo na capopiyē tamʉorijere na netooboja majimi Dio, cʉ tʉpʉ to cãnacã rʉmʉ cãnicõa aninucupere na joʉ. Caroorã macare, cãre cabai botiorãre dope bairo na capopiyē tamʉopere na netoobojaquetigʉmi. Na regʉmi caroorã ya paʉpʉ.

5

Consejos para los creyentes

¹ To bairi mujaare, Jesucristo yere cabuio jugórâre caroaro mujaare yu queti buiopa. Yu quena Dio yere cabuio jugóu yu ã, mujaare bairona. Cristo popiye majuu ch catamuorore catujärichu yu ã. Yu quena Jesucristo mena chanipau yu ã. Ch catunu atípa rumu chanopu, camaja nipetiro nare ch carotiri pau chanopu ch mena yu anigu. ² Nuricarâ oveja cawamecunare cacoterâ caroaro na cacoterore bairoña Diore caapipajeerâre caroaro na coteya, mujaare ch cacote rotirâre. Nare categateequenana na coteya. “Dio jâre ch caboorore bairona wariuñurique mena chare jâ átibojagarâ,” ïri na coteya. “Nare jâ cotelarâ, wapa jeniquenana, to bairona na mairâ,” ï tugooñari na coteya. ³ Apeye unie carotiri majare bairo muja majuuna yeri ocabutí uwiorâ na baiqueticõaña Diore caapipajeerâre mujaare ch cacote rotirâre. Caroaro ãnajecuja. Na quena caroaro muja chaniere tujärâ caroaro anigarâma. ⁴ Cristo ãmi oveja upaure bairona, marire cacotei aniri. Oveja upau ch yarâna cabairi wame tuju majimi. To bairona Cristo quena ch yarâre chare caapipajeerâre tuju pojeroo majimi. Muja quenare muja cacuñupi Cristo ch yarâre cacoteparâre. To bairi ch yarâre caroaro chare muja cacotebojarije wapa ch tupu muja joogumi wariuñuu netoriquere. ⁵ Mujaa, cawamarâ muja jugoye macana cabucûrâre na áti nucubugoya. Muja nipetirâ ame nucubugoya. “Yua aperâ netoro chacu yu ã,” ï tugooñaqueticõaña. To bairo caï

tugooñarā m̄ja cāmata m̄ja átinemoquetiboomi Dio. “Cawatoa cācū yu ã,” caĩ tugooñarā macare na átinemomi Dio, na t̄jū warin̄uri. ⁶ To bairi m̄ja majuuna m̄ja yerip̄, “Aperā netoro camajirā jā ã,” ī tugooñaqueiticōña, Dio jīcaūna ãmi camajii majuu ñrā. “Dio mena cawatoa cācū yu ã,” caĩ tugooñape ã. To bairo, “Cawatoana cāna jā ã,” m̄ja caĩ tugooñaro uparāre bairo m̄ja cūgumi Dio c̄a caboori paup̄. ⁷ Nipetiro m̄ja catugooñarique pairijere Diore c̄ ū buioya, seeto m̄jaare camaii c̄a cāno maca. ⁸ Maja catíya. Tugooñā majiñā m̄jaa, Sataná caroorije mari átio joroque átiremi ñrā. Sataná m̄ja wapacū ãmi yai cañigo riau c̄ cajīa ugapaure c̄ camacarore bairo cabaii. To bairona Sataná camajare c̄ cayeri rooye tuuparāre macauami. ⁹ To bairi Sataná c̄ caocajārijere api botio ocabutiya. Cristo macare apipajee nucubugo ocabutiya. Popiye m̄ja catam̄ori pau, “Jesucristore caapipajeerā ati yepa cāna nipetirā na quena to bairona tam̄oma,” ī tugooñā majiñā. ¹⁰ To bairi ati yuteacā jeto m̄ja popiye tam̄ogarā. To bairo m̄ja catam̄ori pau yeri ocabutiriique m̄ja joogumi Dio. M̄ja átinemogumi, netobujaro m̄ja canucubugoparore bairo ū. Mari bopaca t̄jūmi marire. Cristo mena to cānacā r̄um̄a cānicōa aninucuparāre m̄ja cacūñupi Dio m̄ja quenare. ¹¹ C̄ caroti majirije petiquetigaro. To bairona to baiato.

Saludos finales

¹² Ati p̄ūuroacā m̄ñuja queti joo Silvano yare c̄ caucanemorije mena. Yū baire bairona c̄ yū mai Silvanore. C̄ quena Diore caroaro caapipajei ãmi

cāa. Yeri ocabatiriquere māñija queti joo rooro māja catamāoro. “Cajocaquētie ā atie queti Dio marire cā catājā mairije,” māñija ī. Atie que-tire apipajee janaquēja māja catamāorije to nibao joroquena. ¹³ Cristore caapipajeerā Babilonia na cāri maca macana ñuu rotima. Mājaare bairona Dio cā cabejerigarā āma na quena. Marco quena ñuu rotimi. Yā mena macacā seeto yā camaii āmi cāa. ¹⁴ Caroaro ame boca tājuya ame mairique mena. Wariñurique mājaare cā joato Dio, Cristore caapipajeerāre.

To cōona ā.

Dio Wadarique New Testament in Tatuyo

copyright © 2009 Wycliffe Bible Translators, Inc.

Language: Tatuyo

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tatuyo

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
59c2c435-882f-50ed-ac19-c0c3ea5ab3c0